



江蘇省地方志編纂委員會辦公室 編

江蘇歷代方志全書

25



江蘇省地方志編纂委員會辦公室編



鳳凰出版社

江蘇歷代方志全書

25

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話025-83223462
出版社地址 南京市中央路165號, 郵編:210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編:211153
開 本 889×1194毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00圓(全九十九冊)
(本書凡印裝錯誤可向承印廠調換, 電話:0514-87969255)

同治蘇州府志(六)



(清) 李銘皖
(清) 譚鈞培
馮桂芬 纂修

第二十五冊目錄

同治蘇州府志（六）

.....

〇〇一

蘇州府志卷第九十一

人物十八

崑山縣

漢

卞崇

隋

張冲

唐

張後肩

孫齊邱

史德義

張承休

陶峴

蘇州府志

卷九十一

人物十八目錄

張鑑

宋

龔宗元

父識

子程

程子況

王億

孫載

馬友直

孫察

王葆

祖申

父億

龔明之

子昱

顏度

馬先覺

唐輝

弟輝

子子壽

邊惇德

子瀛

濟

應升

子雲

范之柔

弟良

吳仁傑

父信

銜涇

父季敏

趙琳

楊應龍

曾祖敏求

子光

王圭

父邁

衛湜

陳振

父邁

子昌世

劉必成

周津

曹偕年

榮孝子

張邊

袁萬頃

元

衛培

李季高

朱旭

朱德潤

盧觀

祖鑑

父有常

朱日新

文質

顧權

父達卿

秦玉

父庚

金至善

余日強

父與可

蘇州府志

卷九十一

人物十八目錄

姚文奐

顧德輝

王允吉

葉苗

管善

父珪

瞿信

郭翼

張傑

子伯備

明

盧熊

子彭祖

彭祖孫瑛

盧熙

子充

充損子

殷奎

弟壁

箕

秦約

趙彥可

袁華

呂誠

項駕

楊性

傅料

顧禮	陳則
易恆 祖斗元	余嵐
龔管	王履 子伯承
王遜 子復復子敏	王震 父祖卿
孟忠	王英 孫廷綱
朱吉 子定安泰安永安	范從文 父原貞
呂昭 子旦	王明善 弟子朱健黃經
沈芳	史謹
陸安	顧愚
范廷珍 弟廷達	龔調
蘇州府志	人物十八目錄 三
孫惠	范能 孫俊
周瓊 從兄弁	劉璉
俞敬	虞祥 子震震子臣
趙遠 子昂	夏景 兄昂
許剛 孫立	王永 和子汝賢汝敬
盛頤	張經 子希賢
張準	陳瞭 從子助
章賢	吳凱
蔣明	衛靖
朱夏	沈方

甘霖	屈昉
葉春 父明	龔理 子斌
張和	張穆 夏遂
沈愚 弟曾	
蘇州府志	人物十八目錄 四

蘇州府志卷第九十一

人物十八

崑山縣

漢

下崇婁縣人漢桓帝時太守薛固為法吏所枉下廷尉崇與同郡烏程錢讓詣闕稱冤廷尉囚崇等以兵圍守苦毒持之崇讓恬然自若枉聲彌厲天子聞而奇之乃赦固罪志

隋

張冲字叔元仕陳為左中郎將非其好也乃覃思經典撰春秋義略異於左氏七十餘事官國子博士入隋官至漢王侍讀

蘇州府志

卷九十一

人物十八

唐書 乾隆志曰冲傳但云吳郡人今以其子後唐唐書著為崑山人故入崑山

唐

張後唐字嗣宗冲子祖僧紹梁零陵太守後唐甫冠以學行禪其家高祖鎮太原引為客以春秋授秦王義盛初為齊王文學封新野縣公武德中擢員外散騎侍郎賜宅一區太宗即位進燕王諮議從王入朝召見初帝在太原嘗問附運將終得天下者何姓答云公家德業天下繫心若順天而動自河而北指揮可定然後長驅關右帝業可成至是自陳所言乃賜燕王池帝令羣臣以春秋酬難帝曰朕昔受大誼於君今尚記之遷燕王府司馬出為睦州刺史乞骸骨帝見其強力

問欲何官因陳謝不敏帝曰朕從卿受經卿從朕求官何所疑後唐頭首願得國子祭酒授之永徽中致仕加金紫光祿大夫朝朔望卒贈禮部尚書諡曰康陪葬昭陵孫齊邱朔方節度使東都留守諡貞獻唐書

史德義咸亨初隱居武邱山以琴書自適或騎牛帶瓢出入郭市號為逸人高宗聞其名徵赴洛陽尋稱疾歸公卿以下皆賦詩餞別德義亦以詩留贈其文甚美天授初江南道宣勞使周興表薦之則天徵赴都詔曰蘇州隱士史德義志尚虛玄業履貞確謙冲彰於里閭孝友表於閭庭固辭徵辟長往嚴陵之瀨多謝暫裾高蹈愚公之谷博聞強識說禮敦詩繕

蘇州府志

卷九十一

人物十八

二

性邱園甘心賦畝承天革命建極開階寤寐星雲物色林壑順禎期而捐薛帶應休運而解荷裳粵自海隅來遊魏闕行藏之理斯得去就之節無違風操可嘉敢沃攸仁特宜優獎委以諫曹可朝散大夫後周興伏誅德義坐為所薦免官以朝散大夫放歸邱壑自此聲譽稍減唐書張承休後唐孫張說撰墓誌云後唐之子小師小師生承休承休希言篤行去華崇實非法不由非禮不動精於理物敏於從政歷朝議大夫上柱國恆州刺史說之文曰闔門一方暉我諸侯蓋居闔門云吳郡志陶峴彭澤之子孫也開元中家崑山富有田業擇家人不欺而

了事者悉付之身則泛遊江湖往往數歲不歸見其子孫成人初不辨其名字峴文學可以經濟自謂疎脫不謀宦遊生通八音撰樂錄八章以定其得失自製三舟備極堅巧一自載一置賓一貯飲饌客有前進士孟彥深進士孟雲卿布衣焦遂各置僕妾其載峴有女樂一部奏清商曲逢奇遇興則窮其境物興盡而行名聞朝廷值天下無事經過郡邑無不招延峴拒之曰某麋鹿閑人非王公上客亦有未招而詣者吳越之士號爲水仙

甘澤詩

張鑑字季權一字公度後唐五世孫齊邱子以蔭授右衛兵曹參軍郭子儀表爲元帥府判官累遷殿中侍御史乾元初華

蘇州府志

卷九十一

人物十八

三

原令盧縱以公事譙責邑人齊令詵令詵宦人也銜之構縱罪鑑按驗當免官有司承風以死論鑑不直之乃白其母曰今理縱縱必免死而鑑坐貶然則負官貶則爲太夫人憂敢問所安母曰兒無累於道吾所安也遂執正其罪縱得流鑑貶撫州司戶參軍徙晉陵令江西觀察使張鎬表爲判官遷屯田右司二員外郎居母喪以孝聞大曆初出爲濠州刺史政條清簡延經術士講教生徒比去州升明經者四十餘人李靈曜反於汴鑑團閱鄉兵嚴守禦有詔褒美擢侍御史緣淮鎮守使以最遷壽州刺史歷江西河中觀察使不闕旬改汴滑節度使以病固辭詔留私第建中二年拜中書侍郎同

蘇州府志

卷九十一

人物十八

四

中書門下平章事郭子儀壻太僕卿趙縱爲奴告下御史劾治而奴留內侍省鑑奏言貞觀時著名奴告主者斬頃悖慢成風漸不可長今縱事非叛逆而奴留禁中獨下縱獄情所不厭帝納之杖奴死盧杞忌鑑剛直欲去之時朱泚以盧龍卒成鳳翔帝欲擇人以代杞卽謬曰鳳翔將校班殊素高非宰相信臣不可鑑撫臣宜行帝不許乃顧鑑曰文武兼資內外望重無易卿者其爲朕撫盧龍士乃以爲鳳翔節度使鑑知爲杞陰中然辭窮因再拜受詔帝幸奉天鑑罄家貲將獻行在而營將李楚琳者嘗事朱泚得其心司馬齊暎等謀曰楚琳必爲亂乃遣屯隴州楚琳知之夜率其黨作亂鑑縋城走不及遠與二子爲候騎所執楚琳殺之贈太子太傅

唐書

龔宗元字會之父識字默甫始從吳登端拱元年進士第大中祥符中翰林學士李宗諤薦擢監察御史遷殿中侍御史兼左巡使宋襲唐制御史不專言職至是始擇學術醇正操履端方可綱紀朝廷者俾入臺言事蓋自識始逾年以目疾求退除檢校司封郎中平江軍節度副使宗元幼穎悟絕人讀書虎邱寺爲鄉貢首選天聖五年擢第三杭州仁和簿以父疾乞便侍養調吳縣改建安尉以薦擢大理評事知句容縣發摘姦伏如神明楊紘持使節號爲深酷過縣境獨不入或

問其故絃曰龔君治民所至有聲吾往徒爲擾耳歷通判衢越二州官至都官員外郎後徙崑山黃姑謝事家居作中隱堂時屯田員外郎程適太子中允陳之奇皆以耆德致政曰爲文酒之樂吳人謂之三老宗元初官仁和時范仲淹爲帥謂之曰君器業清修他日必爲令器慎勿因人以進洎登朝未嘗游公卿門皆仲淹之教也子程字信民剛正自守不怵於禍福力排異端家不設佛老像祭祀不焚紙錢幼讀書南峯山攻苦食淡遂博極羣書鄉人號有腳書廚熙寧六年第進士終桐廬令卒贈左朝議大夫程子況字潛之崇寧五年進士入館以學術文章與蘇過俱知名時號龔蘇用宗元中

蘇州府志

卷九十一

人物十八

五

隱故事自號起隱子終祠部員外郎中吳紀聞吳郡志盧志合纂乾隆志云宗元雖徙崑山實吳縣人也以其子孫皆居崑山故從縣志併爲一傳入焉

王儋字康國居太學有聲鄉人謂之王學正識與不識皆尊敬之有堂名逸野曰遊適其中讀書自娛其持身治家甚嚴鄉里率以爲法從孫葆自幼知讀書儋之訓也無子王氏舉族祀之不絕道光崑新志

孫載字積中曾祖漢英仕錢氏爲崑山鎮防遏使遂爲縣人載登治平二年進士第爲河中府戶曹更三守皆立威嚴載獨與爭曲直不肯少下終以此見知中書檢正官察訪關中辟爲官屬青苗法行乾祐令不以予民察訪怒檄載按之載還

言邑小民貧其徒歲以黍麥博易爲生未知稱貸公家爲利令無罪用薦知德清縣以德化民聽斷精明不專任刑罰開誘是非出於誠信訟有累年不決者得一言皆感悟舍去熙寧八年吳越饑獨縣中熟載勸大家倍糴得十五萬斛明年春米價翔踊載使平直以糴全活甚衆移考城縣地多盜載明賞格嚴保伍一日巡尉來告盜集境上將以上元掠近郭至期載張燈設宴不禁夜如故事盜巨測遂遁去訖受代無復盜者神宗以載姓名付中書除廣東常平觸暑行部以宣德意元祐初遷廣東轉運判官紹聖初知海沂二州再知婺毫二州延聘名儒興學養士爲治務持大體時號循吏以嘗

蘇州府志

卷九十一

人物十八

六

薦元祐黨人授提舉洞霄宮大觀中以朝議大夫致仕一日徧謁先輩及嘗往來者未幾疾革問曰早晏盥水焚香而逝年七十五載天資樂易長於吏治薦士至四百餘人後多知名少喜讀易著易釋解五卷中吳紀聞盧志合纂

馬友直字伯忠其先本司馬氏有名球者仕吳越以御史中丞爲崑山鎮防遏使因家焉子孫樂道不仕隨乎流俗故止稱馬氏聚族於邑之全吳鄉角直里以孝義著稱兄弟六人皆力穡獨友直以儒業自奮入太學元符二年薦春官與李廌遊廌知友直賢以兄之子妻之宣和水災全吳之田悉與江通兄弟皆狼狽營妻子友直獨迎其親徙邑之進賢里僦屋

以居躬養菽水母子晏如建炎二年以累舉得官初主湖之

武康海次監潭州南嶽廟尙強健卽挂冠以宣教郎卒侍郎

唐公輝御史王公葆皆敬愛之

吳郡志

孫察載從子父臨大理評事察以朝散郎奉使金國守節不屈

金人裹以油絮焚之罵聲不絕口而死

盧志

王葆字彥光祖申以學行推於鄉父億樂道好善贈右中散大

夫葆幼有志識弱冠通諸經宣和六年擢進士第崑山自孫

載登科後六十年葆始繼之紹興改元上疏陳十弊深中時

病末言儲嗣尤切直謂仁宗時中外無事海宇晏然而范鎮

等爲國遠計汲汲在此況今國步多艱人心易動強虜未靖

蘇州府志

卷九十一

人物十八

七

羣盜陸梁天下之勢危若綴旒而甲觀之崇未聞流慶中外

惴恐此爲甚急臣願陛下爲宗社無疆之計廣求宗室中仁

明孝友時論所歸者歷試諸事以係人心執政讀而奇之遂

自麗水簿遷知宜興縣時兩淮用兵浙亦盜起邑當孔道僚

吏懼乏軍興相次駭亂葆白父母曰食君祿無愛死理弟可

終養毋以葆爲念也明日取丞簿印兼佩之諸將妄求者面

折力拒乃稍稍自戢歷監登聞院宗正寺丞遷司封郎官兼

國子司業秦檜嘗語葆曰檜欲告老如何葆曰此事不當問

葆檜曰他人不敢言以公有直氣故問耳葆曰果欲告老不

問親讐擇可任國家事者使居相位誠天下生民之福檜默

然除監察御史兼崇正殿說書出知廣德軍移守漢州綏善

鋤姦境內大治擢瀘南安撫使知瀘州引用名士劾去貪殘

吏數輩踰年遷池州孝宗召爲大理少卿以疾辭改浙東提

點刑獄權要不樂請祠歸宜興老焉官至左朝請大夫葆學

行俱高潛心古道其學深於春秋著春秋集傳春秋備論等

書教誘後生如親子弟沙隨程迥嘗從受經出其門者後多

成立尤能鑒裁人物李衡布衣流落一見以女弟歸之周必

大未第時亦妻以女范成大早孤廢業葆喻勉切至留之席

下程課甚嚴後皆爲名臣

中吳紀聞吳郡志盧志合纂

龔明之字熙仲宗元曾孫幼逮事祖母李李自言少嘗大病夢

蘇州府志

卷九十一

人物十八

八

神告曰與汝七十七及期果病且革明之夜禱於天乞減已

五齡以益李壽灼香於頂者七閭閻中爆裂聲不爲動詰旦

李病良愈又五年乃卒宣和三年明之以諸生貢京師迎父

母往已而母與弟相繼亡去鄉數千里貧無以歸葬或使以

旅殯僧舍否則火之以其燼歸明之不從取其家所有自一

錢之直皆折賣之不足又乞貸於人竟護二喪以歸先墓在

西山大木數萬族人利其直悉斬而分之明之不能制獨泣

且罵每伐一木仆明之輒號慟響震林谷卽買松萬株補植

焉紹興二十年鄉貢年已六十或勸少匿其數爲異日計笑

曰吾生平未嘗妄語且不敢自欺卒書其實晚以特恩廷試

授高州文學年逾八十法不應出官吳士在朝者列奏其行義敕監潭州南嶽廟淳熙五年乞致仕鄉人林振等又請之朝授宣教郎致仕仍賜緋衣銀魚時李衡以忠諫去國年幾八十德望絕人獨以兄事明之時人高之目爲二老明之生平不摘人短不作貌言每自謂平日受用唯一誠字嘗附益山谷語以省喫儉用號五休居士一日感微疾精神蕭爽親友問疾歌以答之遺令無設仙佛像於柩前供一水一花誦論語孝經足矣卒年九十有二子昱字立道有學行安貧樂義鄉人師之著樂閒先生格言

吳郡志盧志合纂

顏度字魯子充公五十三世孫自唐魯公眞卿兄子顯爲常熟

蘇州府志

卷九十一

人物十八

凡

令其後遂爲吳人度居崑山登紹興進士第歷海門簿臨海令有去思乾道五年知長興縣遇事慈恕人不忍欺一日某王自廬國入朝舟次縣界皆以婦人挽轡王怪問之皆云知縣顏佛子愛惜民力縱男子耕種卒難召集恐累顏公故婦女悉當其役洎入對孝宗問卿治郡得人乎卽以度對召拜監察御史遷太常少卿權工部侍郎知湖州江東京西運副以中大夫秘閣修撰提舉冲祐觀封長洲縣開國男卒年七十五度與朱熹友善孝宗謂度每出一言不動如山因以如山自號云

盧志

馬先覺字少伊友直孫以文章名登紹興三十年進士初主海

門簿調常州教授既歸時宰辟沿海制置司幹官以先覺自重難挽徑以名聞授兵部架閣朝奉郎素號高逸不事請謁出爲浙西常平幹官以承議郎主管台州崇道觀號得閑居士

盧志

唐輝字子明郡人居崑山以文章名政和五年登進士第紹興中爲諫官時盧知原知臨安府爲政乖謬輝論罷之官至禮部侍郎弟燿子子壽並進士

姑蘇志

邊惇德字公辯祖珉始家崑山惇德幼孤至孝貧不廢禮才思敏給以能詩名爲范成大所知常與唱和五中鄉舉就奏名年逾六十卽致仕郡縣列上其行義特改通直郎子瀛字道

蘇州府志

卷九十一

人物十八

十

卿開禧進士與弟濟並有學行濟子應升應登應升字子用穎悟力學篤守操履爲一鄉師表濱祐初特科進士丹徒至簿應升子雲遇字龍光寶祐進士江陰縣尉

盧志參舊縣志

范之柔字叔剛仲淹五世孫純祐

仲淹純祐俱見吳縣志

曾孫贈中大夫公

武之子也乾道八年進士嘉定初拜監察御史歷右正言左

司諫起居中書二舍人刑禮二部尚書太子詹事封崑山縣

開國子之柔奉親事君一以文正爲法知止畏盈每有山林

之志累章乞骸骨上諭宰臣曰爲朕勉留將大用之以禮部

尚書致仕卒贈特進開府端明殿學士諡清憲弟良述初名

之傳字次卿卜居崑山之車塘放情山水不慕榮利長於歌

詩兄雖貴視之泊如也自號墨莊居士志

吳仁傑字斗南一字南英其先從洛陽來居崑山父信修武郎

仁傑博洽經史有俊才講學朱子之門登宣熙五年進士第

歷羅田令國子錄自號蠹隱以詩文名一時志

衛涇字清叔其先齊人唐宋避亂遷華亭祖闡始占籍崑山父

季敏通判鎮江府涇少有異操從永嘉李去智學李卒爲制

服執喪宣熙十一年擢進士第一授承事郎添差鎮東軍簽

判涇以對策嘗陳添差之弊三上表乞待次上特從其請故

事狀元初任垂滿必通謝於宰執始頒召命時王淮秉政涇

不通謝雖被召三月不得引見十四年除秘書省正字輪對

蘇州府志

卷九十一

人物十八 士

言陛下卽位之初銳意事功不次用將相痛憤以圖恢復乃

二十六年之久無一事足以少稱陛下意者而陛下大有爲

之志亦少弛矣一祖八宗之業太上皇付託之重子孫億萬

年之基緒陛下下一身任之豈可僅取苟安無事而已耶庸常

之才持祿保身而風俗日壞士氣日卑民生日困天下之患

將有出於意慮之外者事機易失時不再來願陛下堅自強

之志振紀綱以張國勢作氣節以厲偷惰則靜可以強根本

動可以復土疆而事功立矣光宗初立政尙修謹涇以著作

佐郎賜對言今日風俗頹靡百度縱弛人材削弱國勢未張

汲汲有爲尙恐不濟若猶因循其弊將不可爲又言中國之

與北虜其勢決不能兩立名爲和好實則仇敵名爲息兵實

則觀釁復讐之志直須時耳今以偏方之勢與虜持久自紹

興來五十年無大戰自隆興來三十年無小鬪虜酋新立血

氣方剛間隙之生遠不過五六年願陛下奮發英斷規恢遠

圖卧薪嘗膽不忘北鄉聖志先定然後與二三重臣講求大

計委任而責成之內治外備則大讐可復中興可期又言自

陛下踐阼臺諫給舍多不得其職今日士氣尙衰風采銷落

陛下所當長養振作而反陰銷潛沮之將使羣臣上懼陛下

之威命下虞羣小之中傷苟且成風諂諛充位脫有大姦巨

惡誰爲陛下言者紹熙元年遷著作郎兼司封郎官二年正

蘇州府志

卷九十一

人物十八 士

月震雷雨電大雪繼作涇應詔上封事言雷陽也雪陰也陽

氣方升而陰制之此雪所以降也以象類而求則君欺於臣

夫陵於妻夷狄謀中國小人害君子皆陰勝陽之證有一於

此皆能致亂陛下不可不預防也時佞倖漸肆李后悍妬故

涇以爲言出爲淮東浙東二路提舉慶元初召爲尙右郎官

上殿論壽皇孝養禮曠以爲太上之於陛下親父子也天性

之愛慈孝之心宜無毫髮疑問雖太上疾勢未平語言舉動

若未容於進見者然陛下孝心純篤豈以吾親之不可見而

遂已乎願陛下兢業於中以親之未順爲憂以期於見親爲

念積此誠意庶太上之懽心可得而喜付託之得人矣三年

以起居舍人假工部尚書使金國還言虜有危亡之兆吾無自治之策使吾治具畢張備禦無缺敵雖強不足畏倘偷安歲月僅了目前一弱虜滅一強敵生未足以爲喜也初涇之往監宗諭使覘國金爲蒙古所攻我有乘輿志涇深懼其輕動故還奏如此除直煥章閣知慶元府沿海制置使以言者論罷是時權奸用事涇不爲勢怵斥去十年不調於里中聞西園取范文正公之言名其堂曰後樂開禧元年得旨入朝明年除中書舍人兼直學士院應詔論北伐非計不聽三年自吏部尚書拜御史中丞請誅韓侂胄論罷陳自强拜參知政事封崑山縣開國伯嘉定初兼太子賓客始侂胄之誅

蘇州府志

卷九十一

人物十八

三

涇功居多既又患史彌遠有專恣之漸欲去之彌遠知涇謀諷御史劾罷之五年出知潭州八年知隆興府上以涇三世同居有堂曰友順御書二大字太子亦書後樂堂榜賜之九年知揚州十七年進資政殿學士金紫光祿大夫致仕進封吳郡開國公寶慶二年卒理宗輟視朝一日特贈太師追封秦國公諡文節涇歷仕三朝出入內外四十餘年憂國忘家始終一節謀深慮遠不邀近功其進退之際與時升降嘗語人曰官職自有定分名誼千古不磨故其在朝孤立自守不畏強禦以賢才爲立國之基薦進搜舉汲汲如不及如李燾輔廣倪思陳韓皆其人也任潭時與朱熹有交承之好昵胄

指熹爲僞學斥之侂胄死涇奏召熹還朝而熹已卒復移文新安取熹四書諸經傳注刊刻以傳又請爲張栻賜諡其表章正學之力多矣別號後樂居士志

趙琳字君善丞相忠簡公鼎曾孫父監字儒文范之柔以女兄

妻之遂家崑山終知興國軍琳嘉泰中進士爲常州教授嘗

作亭表鄒浩墓歷宗正寺丞都官郎官理宗欲用爲諫官有

沮之者出知吉州不赴勾祠歸後復以朝散大夫直寶章閣

致仕題其居曰頓菴自號如舟清修寡欲室無媵妾惟藏書

萬卷志

楊應龍字汝濟系出關西曾祖敏求仕徽宗朝官至朝散大夫

蘇州府志

卷九十一

人物十八

志

徙居崑山之外岡應龍才兼文武爲戚里吳郡王瑁監宗朝

授武功大夫浙西兵馬鈐轄暮年丐祠主管建寧府冲祐觀

所著五十萬言名曰進授册嘉言讜論發於忠忱手抄六經

百家之說爲性齋知見錄王充黃由皆以將帥薦未幾卒子

光輔終承節郎孫滋生有神異歿於邊功理宗贈護國惠忠

侯廟食里中志

王圭字君玉范成大外孫也父邁字德遠安吉人依妻家以居

以崑山籍登乾道五年進士第終通判太平州圭嘉定十年

進士至松陽簿以才幹陞爲令講行經界爲天下式清祐八

年以監行在諸司糧料院出知常州屢蒙陞賞十年又以職

事修舉轉朝奉大夫再任在官五年入爲司封郎官終朝奉

大夫其居官廉家無餘資自號靜觀子

盧志

衛湜字正叔涇弟好古博學除太府寺丞將作少監皆不赴嘗

集禮記諸家傳注爲一百六十卷名曰禮記集說寶慶二年

上之終朝散大夫直寶謨閣知袁州學者稱櫟齋先生

盧志

陳振字震亨古靈先生襄之後父遵養御史李衡文因家崑山

遵死振幼貧無以葬得地圓明村卜者云不利長子振曰使

親藏得宜或不宜於振二弟尙可主祭遂葬焉後振爲紹熙

進士弟拱亦登端平科振以祿不逮養刻木爲親像一飯必

祭平居急義樂善好汲引後進有過失必規正之爲文簡健

蘇州府志

卷九十一

人物十八

五

高雅無宋季陋習好楷書有歐虞氣骨官至太府丞知永瑞

二州以朝議大夫致仕子昌世亦以文名兼優吏事仕太府

丞知信州以最間擢吏部郎召對理宗有一廉可喜之褒後

知瑞州秩朝散大夫中歲絕欲自奉菲薄居官所至有遺愛

皆以節用愛人爲本

盧志 乾隆志云紹熙端平相距四十年振登第時已祿不逮養弟拱與兄相

隔不當如此之久紹熙紹定之說

劉必成字與謀其先福安人來居崑山之湓浦必成少遊國學

嘉熙元年七士同叩閭極言時事必成實爲之倡是年七士

預計偕而必成爲武舉解元明年遂魁天下淳祐九年復中

鎖廳蓋以文武全才自負也嘗兩入閭輪對慷慨言邊事上

深褒美次日宣諭宰臣曰必成所言極好後皆行之歷知潯

州卒官湖南安撫副使自號愛閒翁

盧志

周津治詞賦端平嘉熙中郡府兩舉待補進士性介直好施與

父天驥有疾津刲股以療或以義喻之津曰父母遺體豈宜

毀傷然因所予者還以奉之詎爲過耶津亦以壽終又有曹

椿年崑山人也母病草椿年刲股療之知縣胡聚白於知

府趙汝曆事聞借補椿年承信郎節制司準使仍立孝感坊

於其里時寶祐三年也咸淳八年有榮孝子者亦以刲股救

母立旌孝坊其後有張孝子皆同縣市人也

盧志參道光崑新志

邊實字宜學惇德曾孫雲遇弟少與兄朋及雲遇俱父應升自

蘇州府志

卷九十一

人物十八

六

訓專門業經明以禮經連捧三薦雲遇登進士乙科咸淳六

年實已預解額以寫題小誤被擯歸先是實與凌萬頃搜訪

邑中典故成玉峯志至是乃復辨證前書以所見聞爲玉峯

續志攝令長沙謝公應序而行之

道光崑新志

凌萬頃字叔度號松蘿景定三年進士任直學博學多聞邑令

項公澤重之請與邊實同修玉峯志行於世

周世昌崑山志

元

衛培字靈深涇曾孫性端確博通經史前代典故問無不知延

祐七年郡府以培充貢試龍虎榜賦文不起草人謂有楊馬

才時雖被黜識者推之知州王安貞聘訓導州學號月山先

生又有李季高號蓉月性慎謹博洽羣書與衛培同以隱德老於林下郭翼嘗謂二人耆儒碩德典章老成皆表表楷模師儒之宗也

周世昌志

朱旭字子陽朱行省左丞清子元初以薦授忠顯校尉海運告

歸卒旭少學書於趙孟頫為學士虞集稱賞性好施勇於為

善嘗出粟賑飢買棺掩骼鄉里德之

道光崑新志

朱德潤字澤民為睢陽五老賈九世孫避亂南奔德潤自幼諳

書一過輒能記長工詩善書札畫山水人物有古作者風延

祐末遊京師趙文敏薦於仁宗召見命為國史編修明年英

宗嗣位授鎮東行中書省儒學提舉又明年獻雪獵賦上奇

蘇州府志

卷九十一

人物十八

七

之命泥金書內典及成而英宗又崩德潤曰吾挾吾能事兩

朝而弗偶其歸飲三江水食吳門蓴乎既歸杜門讀書三十

年至正十二年江淮用兵起江浙行省參謀官進言於平章

曰民不識兵百年矣變生不虞宜以安集為念凡擲兵來附

者皆平民請一切貸之收復郡縣其功為多攝守長興至則

市無一人德潤招徠有法毗庾腐至以病免歸卒

周伯琦志

案德潤乾隆志列吳縣人物縣志附子吉傳然致姑蘇志

張景志通志康熙志俱隸崑山況又為吉之父故本各舊志

入

盧觀字彥達其先龍興武寧人五世祖徙平江再徙崑山祖鑑

字明叔工詞賦父有常字元吉以隱約終觀少刻志於學受

業湯彌昌錢重鼎之門客遊江淮間名卿鉅人有欲舉觀者

力辭之隱居教授接人弗以貴賤異或加以非禮怡然不與

較遇人患難必為盡心經畫事親溫清滌滌不以貧故少缺

暮年得羸疾猶手不釋卷母卒以不能行喪禮痛慕悲號病

日增劇而卒門人私謚曰夷孝先生

申屠衡銘

朱日新號中齊本楊氏子幼育朱清家因冒其姓未冠授海運

千戶累遷宣武將軍婺州路總管居官廉敏數平反冤獄歲

歉出已粟以賑民思之為刻石頌德遷江州路總管亦以清

聞

道光崑新志

文質字學古學行卓然詞章奇放為楊維禎所稱與盧觀趙天

蘇州府志

卷九十一

人物十八

六

祐衛培盛德瑞范天與六人為邑中耆碩有司給廩膳焉

通志

顧權字用衡其先自蘭溪徙居崑山父達卿與胡雲峯友善期

有子當使為士及得權篤意教之權能力學博通羣典尤究

心於易為文章刻意有古作者矩度一字不當不苟出遭時

多艱隱居不仕為鄉校師卒無子知州侯侯斯為買地葬於

馬鞍山北門人私謚靖夷先生

姑蘇志

秦玉字德卿其先鹽城人徙崇明再徙崑山父庚從方蛟峯學

隱居不仕玉早孤即能刻志苦學既長博通諸經尤邃於詩

不求仕進天性孝友事母與兄無違禮事無大小悉舉而行

母有病湯藥必親嘗累旬不解帶及卒哀毀泣血終喪不沐浴不食醢醢鄰居失火家人各奔散玉獨憑棺號呼火遽滅卒後門人私謚孝友先生

乾隆志

金至善字伯明居澱湖之陽修德樂施老而益力於學教導鄉里多所成就自號菊逸老人

周世昌志

余曰強字伯莊其先古田人父與可爲武夷書院山長來居崑山曰強篤志於學淹貫經史奉母以孝聞號淵默叟

周世昌志

姚文奐字子章聰明好學過目成誦博涉經史縉紳先生推重之辟授浙東帥閫掾雖公事旁午不廢吟咏家有書聲齋野

航亭自號東生

周世昌志

蘇州府志

卷九十一

人物十八

五

顧德輝字仲瑛家世素封輕財結客豪宕自喜年三十始折節讀書購古書名畫彝鼎秘翫築別業於茜涇西曰玉山佳處

晨夕與客置酒賦詩其中四方文學士若河東張翥會稽楊維禎天台柯九思永嘉李孝光方外士張雨于彥成琦元璞

輩咸至其家園池亭榭之盛圖史之富簠簋館聲伎並冠絕一時而德輝才情妙麗與諸名士亦略相當嘗舉茂才授會

稽教諭辟行省屬官皆不就張士誠據吳欲強以官去隱於嘉興之合溪尋以子元臣爲元水軍副都萬戶封德輝武略

將軍飛騎射錢塘縣男母喪歸綽溪士誠再辟之遂斷髮膚

慕自號金粟道人及吳平父子並徙濠梁

明史

王允吉字吉卿元季時守令頒曆於民而取其直允吉日曆以授人時也昔以利民今爲民厲願出所有以佐用由是里中

得免嘗行道見索逋者怒誓不已負者默不敢答允吉惻然爲代償之妻顧亦能佐允吉行其德孫承和別有傳

道光志

葉苗字秀實居南鄉之石浦樂善急義有古豪傑風元末方國珍亂海上小人乘間而起磧磧村福嚴寺僧有提點者與其

徒昌都寺等亦聚無賴殺人肆焚劫有司不知所爲賊勢漸張禍且及苗其姻家某刺知之賂以重資乃得免苗憤曰鼠

輩敢爾不翦除之又一國珍也陰募勇敢士得徐辛一等若干人經略已定乃鎗賊焚劫之跡上之當路率衆掩捕盡得

蘇州府志

卷九十一

人物十八

三

之無脫者官爲窮詰皆伏辜鄉里稱快苗無厚蓄而性好客往來吳越間遇佳山水輒吟咏寄意

道光志

管善父處士珪字仲玉有隱德善嘗以先志割常稔之田四十畝入校官養士知州僕侯斯訪先賢王祿李衡劉過墓而

封表之善謂諸賢墓不可無祭田復割田三十五畝爲祭祀修葺之用且請附其父珪之至於龍洲之祠俟斯如其請殷

奎爲之記

道光志

瞿信字實夫自幼嗜學平居整暇無卒聲聲貌未嘗談人過惡食必男女異席衣冠非就寢不去兄智宦遊四方信養二親

備至雖家貧恆忻忻焉兄卒以兄友數人皆爲婚姻教養至